



Broj: 10/E-11-4458-1/22  
Sarajevo, 04-10-2022 godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", broj 39/14 i 59/22) (u daljem tekstu: Zakon), člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj 23/04), a na prijedlog Komisije za nabavku roba, usluga i radova I (u daljem tekstu: Komisija I), u postupku javne nabavke arhitektonsko-inženjerskih usluga iz oblasti stručnog nadzora objekata niskogradnje i revizije investiciono – tehničke dokumentacije objekata niskogradnje, za LOT 1 – Usluge stručnog nadzora nad izvođenjem radova na objektima niskogradnje, putem otvorenog postupka (Zapisnik o pregledu i ocjeni ponuda broj: 10/E-11-4458-1/22 od 30-09-2022 godine), Opštinski načelnik d o n o s i

### ODLUKU O IZBORU NAJPOVOLJNIJEG PONUĐAČA

- I. Prihvata se ponuda prvorangiranog ponuđača „**AB PLAN**“ d.o.o. Sarajevo, ulica Tešanjka broj 24a, 71 000 Sarajevo, broj: 05-08/22 od 22.08.2022. godine, za nabavku arhitektonsko-inženjerskih usluga iz oblasti stručnog nadzora objekata niskogradnje i revizije investiciono-tehničke dokumentacije objekata niskogradnje, za LOT 1 – Usluge stručnog nadzora nad izvođenjem radova na objektima niskogradnje, putem otvorenog postupka, u ukupnom iznosu **30.072,00 bez PDV-a**, odnosno u iznosu **35.184,24 sa PDV-om i popustom, i rokom plaćanja 60 dana**.
- II. Izabrani ponuđač je dužan dokaze iz tačke 7.1., podtačka 7.1.3. TD (Lična sposobnost), u skladu sa članom 45. Zakona o javnim nabavkama, dostaviti najkasnije u roku od 5 (pet) dana od dana prijema ove Odluke na Protokol Ugovornog organa (originalne ili ovjerene kopije).
- III. Ugovorni organ će sa izabranim ponuđačem zaključiti Okvirni sporazum na period od 3 (tri) godine, kojim će biti regulisana međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- IV. Ova Odluka se dostavlja ponuđačim koji su učestvovali u postupku javne nabavke u roku od 7 (sedam) dana od dana donošenja, shodno članu 71. Zakona o javnim nabavkama BiH.
- V. Odluka će se objaviti na web stranici Općine Centar, [www.centar.ba](http://www.centar.ba) shodno članu 70. stav (6) Zakona o javnim nabavkama BiH.

### Образложење

Otvoreni postupak za javnu nabavku arhitektonsko-inženjerskih usluga iz oblasti stručnog nadzora objekata niskogradnje i revizije investiciono-tehničke dokumentacije objekata niskogradnje pokrenut je Odlukom Opštinskog načelnika o pokretanju postupka javne nabavke putem otvorenog postupka, broj: 10/E-11-4458/22 od 15.07.2022. godine.

Nabavka je podijeljena na lotove i to:

LOT 1 – Usluge stručnog nadzora nad izvođenjem radova na objektima niskogradnje

LOT 2 – Usluge revizije investiciono – tehničke dokumentacije objekata niskogradnje

Obavještenje o nabavci 848-1-2-144-3-84/22 26.07.2022. godine i Ispravka obavještenja o nabavci 848-1-2-144-8-96/22 od 10.08.2022. godine objavljeni su na Portalu E-nabavke.

Procijenjena vrijednost javne nabavke iznosi 70.000,00 KM za LOT 1 - Usluge stručnog nadzora nad izvođenjem radova na objektima niskogradnje.

U roku za predaju ponuda za LOT 1 - Usluge stručnog nadzora nad izvođenjem radova na objektima niskogradnje koji je određen tenderskom dokumentacijom (23.08.2022. godine do 12:00 sati), na adresu ugovornog organa dostavljeno je 5 (pet) ponuda sljedećih ponuđača: 1. „**AB PLAN**“ d.o.o.

Sarajevo; 2. „SMAJIĆ-INŽENJERING“ d.o.o. Goražde; 3. „RADIS“ d.o.o. Istočno Sarajevo; 4. „FM INŽENJERING“ d.o.o. Sarajevo i „ENERGOINVEST“ d.d. Sarajevo.

U skladu sa članom 63. Zakona o javnim nabavkama BiH, Komisija I je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana je cijena ponuda i rok izvršenja kao potkriterije „ekonomski najpovoljnije ponude“, kako slijedi:

R/b	Ponudač	POTKRITERIJ 1 Cijena ponude (KM) bez PDV-a i popusta	POTKRITERIJ 2 Rok plaćanja
1.	„AB PLAN“ d.o.o. Sarajevo	42.960,00	60 dana
2.	„SMAJIĆ- INŽENJERING“ d.o.o. Goražde	59.510,00	60 dana
3.	„RADIS“ d.o.o. Istočno Sarajevo	70.060,00	60 dana
4.	„FM INŽENJERING“ d.o.o. Sarajevo	68.800,00	60 dana
5.	„ENERGOINVEST“ d.d. Sarajevo	69.850,00	60 dana

Nakon izvršenog javnog otvaranja ponuda, na zatvorenom sastanku Komisija I je u skladu sa pravilima propisanim Zakonom i podzakonskim aktima pristupila detaljnoj analizi dokumentacije priložene uz ponude, u smislu provjere njihove potpunosti i ispravnosti, kao i usklađenosti sa zahtjevima ugovornog organa iskazanim u tenderskoj dokumentaciji za ovaj predmet javne nabavke. Detaljnim pregledom dostavljenih ponuda Komisija I je utvrdila opravdanim tražiti od ponuđača „AB PLAN“ d.o.o. Sarajevo i ponuđača „ENERGOINVEST“ d.d. Sarajevo pojašnjenje dostavljenih potvrda o uspješno realizovanim ugovorima, koje su zahtijevane tačkom 7.3.2. pod a) tenderske dokumentacije za predmetnu nabavku. Tim povodom su ponuđačima „AB PLAN“ d.o.o. Sarajevo i „ENERGOINVEST“ d.d. Sarajevo, privrednom društvu „DIVEL“ d.o.o. Sarajevo i Službi za stambene i komunalne poslove upućeni pojedinačni akti broj: 10/E-11-4458-1/22 od 30.08.2022. godine, kojim je od ponuđača i izdavaoca potvrda o uspješno obavljenim poslovima odnosno dobro izvršenim uslugama traženo pojašnjenje u odnosu na podatke za koje je Komisija I ocijenila da su sporni.

Dana 01.09.2022. godine ponuđač „AB PLAN“ d.o.o. Sarajevo je dostavio pojašnjenje potvrde o uspješno obavljenim poslovima. Istog dana je privredno društvo „DIVEL“ d.o.o. Sarajevo, u svojstvu izdavaoca potvrde, dostavilo odgovor na zahtijevano pojašnjenje dokumentacije, dostavljene u ponudi ponuđača „AB PLAN“ d.o.o. Sarajevo. Dostavljena izjašnjenja su prihvaćena od Komisije I te je potvrđeno da su podaci u skladu sa zahtjevima iz tačke 7.3.2. pod a) tenderske dokumentacije.

Dana 31.08.2022. godine Služba za stambene i komunalne poslove je dostavila pojašnjenje izdate potvrde, dok je dana 02.09.2022. godine ponuđač „ENERGOINVEST“ d.d. Sarajevo dostavio traženo izjašnjenje na zahtjev Komisije I. Dostavljena izjašnjenja ponuđača „ENERGOINVEST“ d.d. Sarajevo i Službe za stambene i komunalne poslove su prihvaćena od Komisije I te je potvrđeno da su podaci u skladu sa zahtjevima iz tačke 7.3.2. pod a) tenderske dokumentacije.

Komisija I je u daljem radu, na temelju detaljne analize dostavljenih ponuda, ustanovila da ponuda ponuđača „SMAJIĆ-INŽENJERING“ d.o.o. Goražde nije potpuna iz razloga što ponuđač u cijelosti nije dostavio dokumentaciju navedenu u tački 6.1., podtačka 6.1.7. tenderske dokumentacije za predmetnu nabavku. Naime, tačkom 6.1., podtačka 6.1.7. tenderske dokumentacije definisano je:

„Tehničke specifikacije usluga date su u posebnim priložima ovoj tenderskoj dokumentaciji kao excel dokument zbog lakšeg unošenja jediničnih cijena i izračuna ukupnih cijena po stavkama.“ Također, u napomeni, sadržanoj u tenderskoj dokumentaciji, ponuđači su upoznati kako su obavezni da popunjene priloge dostave odštampane u ponudi i snimljene na CD.

U Obrascu za cijenu ponude – usluge (Aneks 2./LOT 1) za LOT 1 – Usluge stručnog nadzora nad izvođenjem radova na objektima niskogradnje, u dijelu teksta označenom kao Napomena navodi se:

„Jedinične cijene za pojedine usluge unose se u excel tabele koje su prilog ovoj tenderskoj dokumentaciji te se u ponudi dostavljaju odštampane i snimljene na CD.“

Komisija I je utvrdila da ponuđač „SMAJIĆ-INŽENJERING“ d.o.o. Goražde u ponudi nije dostavio odštampanu tehničku specifikaciju usluga za LOT 1 – Nadzor nad izvođenjem radova na objektima niskogradnje, na način kako je to definisano u Obrascu za cijenu ponude – usluga (Aneks 2./LOT 1) i tenderskoj dokumentaciji. Tehnička specifikacija dostavljena je samo snimljena na CD-u. Uzevši u obzir činjenicu da ponuđač, shodno tački 6.1.7. tenderske dokumentacije, nije u ponudi dostavio odštampanu tehničku specifikaciju usluga za LOT 1 - Nadzor nad izvođenjem radova na objektima niskogradnje, koje su predmet nabavke, ponuda je kao nepotpuna odbačena u skladu sa odredbom člana 68. stav (1) tačka i) Zakona o javnim nabavkama. O naprijed navedenom je pismeno obaviješten ponuđač „SMAJIĆ-INŽENJERING“ d.o.o. Goražde.

Analizom ponude ponuđača „FM INŽENJERING“ d.o.o. Sarajevo konstatovano je da ponuda nije potpuna iz razloga što ponuđač nije dostavio dokaz o ispunjavanju uslova iz tačke 7.3. Tehnička i profesionalna sposobnost, podtačka 7.3.1. pod b), za LOT 1 – usluge stručnog nadzora nad izvođenjem radova niskogradnje, koja glasi:

Tenderskom dokumentacijom definisano je da će se ocjena tehničke i profesionalne sposobnosti dobavljača vršiti na osnovu ispunjavanja minimalnih uslova iz člana 50. Zakona i to:

„Za LOT 1 – usluge stručnog nadzora nad izvođenjem radova niskogradnje:

b) Angažman lica odgovarajuće stručne spreme i stručne osposobljenosti i to:

Najmanje po jednog diplomiranog inženjera sa pet godina iskustva u struci i položenim stručnim ispitom za svaku vrstu radova za koju se obavlja nadzor;“

Podtačkom 7.3.2. tenderske dokumentacije definisani su pismeni dokazi za ocjenu ispunjavanja minimalnih uslova tehničke i profesionalne sposobnosti za LOT 1 i LOT 2 iz tačke 7.3.1. i to:

„b) Izjava na obrascu ponuđača da će u skladu sa odredbama Zakona o prostornom uređenju Kantona Sarajevo i Uredbom o uređenju gradilišta, obaveznoj dokumentaciji na gradilištu i učesnicima u građenju, za svaki pojedinačni ugovor o pružanju usluga koje su predmet ove javne nabavke, angažovati stručna lica sa odgovarajućim stručnim kvalifikacijama i potrebnim radnim i profesionalnim iskustvom, a prema zahtjevima iz tačke 7.3.1. pod b).“

Uzevši u obzir činjenicu da ponuđač „FM INŽENJERING“ d.o.o. Sarajevo nije dostavio traženi dokaz koji je u skladu sa zahtjevima podtačke 7.3.2. pod b) tenderske dokumentacije, ponuda je kao nepotpuna odbačena u skladu sa odredbom člana 68. stav (1) tačka i) Zakona o javnim nabavkama. O naprijed navedenom je pismeno obaviješten ponuđač „FM INŽENJERING“ d.o.o. Sarajevo.

Komisija I je detaljnim pregledom dostavljene ponude ponuđača „ENERGOINVEST“ d.d. Sarajevo konstatovala kako je u ponudi dostavljena tehnička specifikacija za LOT 1 – Nadzor nad izvođenjem radova na objektima niskogradnje, odštampana u formi excel tabele, koja prema formi i sadržaju odgovara excel tabeli koju je navedeni ponuđač dostavio snimljenu na CD. Komisija I je utvrdila da u dostavljenoj Tehničkoj specifikaciji za LOT 1 – Nadzor nad izvođenjem radova na objektima niskogradnje nisu uneseni svi potrebni podaci o roku plaćanja, u pojedinačne kolone u kojima su naznačeni podaci o vrijednostima radova, pod rednim brojevima: 1., 2., 3., 4., 5., 6., 7., 8., 9., 10., 11., 12., 13., 14., 15., 16., 17., 18., 19., 20., 21., 22., 23., 24., 25., 26., 27., 28., 29., 30. i 31. Kako tehnička specifikacija (odštampana i snimljena na CD) nije ispravno popunjena, odnosno ne sadrži sve tražene podatke, ponuda ponuđača „ENERGOINVEST“ d.d. Sarajevo se nije mogla prihvatiti kao isprava i potpuna, obzirom da ista nije izrađena u skladu sa tenderskom dokumentacijom. O naprijed navedenom je pismeno obaviješten ponuđač „ENERGOINVEST“ d.d. Sarajevo.

U toku postupka pregleda i ocjene ponuda Komisija I je ustanovila da u ponudi ponuđača „RADIS“ d.o.o. Istočno Sarajevo postoji greška i to u sljedećim stavkama:

Na stranici broj 6. Obrasca za ponudu (Aneks 1./LOT 1), u tekstu, pod brojem 3 stoji:

- Cijena ponude (bez PDV-a) – gdje je pogrešno upisan iznos 70.060,00 KM, a treba da bude upisan iznos 70.066,00 KM;
- Cijena ponude, sa uključenim popustom – gdje je pogrešno upisan iznos 70.060,00 KM, a treba da bude upisan iznos 70.066,00 KM;
- PDV na cijenu ponude (sa uračunatim popustom) – gdje je pogrešno upisan iznos 11.910,20 KM, a treba da bude upisan iznos 11.911,22 KM;
- Ukupna cijena za ugovor – gdje je pogrešno upisan iznos 81.970,20 KM, a treba da bude upisan iznos 81.977,22 KM;
- Slovima: osamdesetjednahiljadadevetstosedamdeset i 20/11 KM, a treba da bude upisano osamdesetjednahiljadadevetstotinasedamdesetsedam i 22/100 KM.

Na stranici ponude broj 8, obrazac za cijenu ponude – usluge (Aneks 2./LOT 1.) LOT 1 – Usluge stručnog nadzora nad izvođenjem radova na objektima niskogradnje, I – CIJENA, u tabeli:

- Cijena ukupno bez PDV-a – gdje je pogrešno upisan iznos 70.060,00 KM, a treba da bude upisan iznos 70.066,00 KM;
- Cijena ukupno bez PDV-a s popustom – gdje je pogrešno upisan iznos 70.060,00 KM, a treba da bude upisan iznos 70.066,00 KM;
- PDV 17% u KM – gdje je pogrešno upisan iznos 11.910,20 KM, a treba da bude upisan iznos 11.911,22 KM;
- Cijena ukupno sa PDV-om i popustom - gdje je pogrešno upisan iznos 81.970,20 KM, a treba da bude upisan iznos 81.977,22 KM;
- Slovima: osamdesetjednahiljadadevetstosedamdeset i 20/100, a treba da bude upisano osamdesetjednahiljadadevetstotinasedamdesetsedam i 22/100 KM.

Na stranici ponude broj 34, Tehnička specifikacija usluga – LOT 1 – Nadzor nad izvođenjem radova na objektima niskogradnje:

- Stavka pod rednim brojem 31. OSTALI RADOVI KOJI NISU SPECIFICIRANI, u koloni UKUPNO – gdje je pogrešno upisan iznos 2.260,00 KM, a treba da bude upisan iznos 2.266,00 KM;
- UKUPNO – gdje je pogrešno upisan iznos 70.060,00, a treba da bude upisan iznos 70.066,00;
- UKUPNO SA POPUSTOM – gdje je pogrešno upisan iznos 70.060,00, a treba da bude upisan iznos 70.066,00 KM;
- PDV 17% - gdje je pogrešno upisan iznos 11.910,20, a treba da bude upisan iznos 11.911,22 KM;

- SVEUKUPNO – gdje je pogrešno upisan iznos 81.970,20 KM, a treba da bude upisan iznos 81.977,22 KM.

U vezi sa prednje navedenim traženo je od ponuđača „RADIS“ d.o.o. Istočno Sarajevo izjašnjenje o računskoj grešci. Dana 15.09.2022. godine ponuđač „RADIS“ d.o.o. Istočno Sarajevo je prihvatio računске greške i dao saglasnost za ispravku. Komisija I je prihvatila izjašnjenje ponuđača „RADIS“ d.o.o. Istočno Sarajevo.

Dana 26.09.2022. godine ponuđači: „AB PLAN“ d.o.o. Sarajevo; „SMAJIĆ-INŽENJERING“ d.o.o. Goražde; „FM INŽENJERING“ d.o.o. Sarajevo i „ENERGOINVEST“ d.d. Sarajevo su kao učesnici u postupku javne nabavke pismeno obaviješteni o istom.

Dana 20.09.2021. godine Komisija I je od ponuđača „AB PLAN“ d.o.o. Sarajevo tražila obrazloženje neprirodno niske cijene.

Dana 21.09.2022. godine, ponuđač „AB PLAN“ d.o.o. Sarajevo je dostavio pismeno objašnjenje neprirodno niske cijene dostavljene ponude.

Komisija I je prihvatila navedeno objašnjenje neprirodno niske cijene ponuđača „AB PLAN“ d.o.o. Sarajevo, i navode ponuđača ocijenila kao smislene i opravdane, te je utvrdila da pojašnjenje neprirodno niske cijene sadrži sve elemente koji su određeni Zakonom.

Dana 26.09.2022. godine ponuđači: „RADIS“ d.o.o. Istočno Sarajevo; „SMAJIĆ-INŽENJERING“ d.o.o. Goražde; „FM INŽENJERING“ d.o.o. Sarajevo i „ENERGOINVEST“ d.d. Sarajevo su kao učesnici u postupku javne nabavke pismeno obaviješteni o istom.

Nakon što je konstatovala da su ponude ponuđača „AB PLAN“ d.o.o. Sarajevo i „RADIS“ d.o.o. Istočno Sarajevo potpune, i sačinjene u skladu sa zahtjevima iz tenderske dokumentacije, Uputstva za pripremu modela tenderske dokumentacije i Zakona o javnim nabavkama BiH, po dostavi traženih izjašnjenja, Komisije I je izvršila evaluaciju i bodovanje ponuda prema kriteriju za izbor ponude „ekonomski najpovoljnija ponuda“ shodno članu 64. stav (1) tačka a) Zakona, a u skladu sa određenim potkriterijima, primjenom odgovarajuće formule za izračun broja bodova navedene u Pravilima o postupku, provjeri, proceduri i načinu vrednovanja – kriterija za izbor najpovoljnijih ponuđača iz tenderske dokumentacije, kako sljedi:

R/b	Ponuđač	Potkriterij	
		Cijena 70% (sa PDV-om i popustom)	Rok plaćanja 30%
1.	„AB PLAN“ d.o.o. Sarajevo	$30.072,00/30.072,00 \times 70 = 70,00$ bodova	$60/60 \times 30 = 30$ bodova
2.	„RADIS“ d.o.o. Istočno Sarajevo	$30.072,00/70.066,00 \times 70 = 30,04$ boda	$60/60 \times 30 = 30$ bodova

Nakon bodovanja po osnovu utvrđenih potkriterija ekonomski najpovoljnije ponude, Komisija I je izvršila rangiranje ponuda:

R/b	Ponuđač	Broj bodova	Rang
1.	„AB PLAN“ d.o.o. Sarajevo	100	1
2.	„RADIS“ d.o.o. Istočno Sarajevo	60,04	2

Komisija je u daljem radu donijela jednoglasnu odluku da se Opštinskom načelniku dostavi

#### PREPORUKA O PRIHVATANJU PONUDE

Prvorangiranog ponuđača „AB PLAN“ d.o.o. Sarajevo, ulica Tešanjaska broj 24a, 71 000 Sarajevo, broj: 05-08/22 od 22.08.2022. godine, za nabavku arhitektonsko-inženjerskih usluga iz oblasti stručnog nadzora objekata niskogradnje i revizije investiciono-tehničke dokumentacije objekata niskogradnje za LOT 1 – Usluge stručnog nadzora nad izvođenjem radova na objektima niskogradnje, putem otvorenog postupka, u ukupnom iznosu 30.072,00 bez PDV-a, odnosno u iznosu 35.184,24 sa PDV-om i popustom, i rokom plaćanja od 60 dana, za cijeli period trajanja okvirnog sporazuma.

Opštinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije, te je odlučeno kao u dispozitivu Odluke.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema iste shodno članu 101. stav (1) tačka d) Zakona o javnim nabavkama BiH.

Naknada za pokretanje žalbenog postupka propisana je članom 108. stav (1) Zakona.

Žalba se podnosi u dovoljnom broju primjeraka, a koji ne može biti manji od tri.



Prilog: Zapisnik o pregledu i ocjeni ponuda

broj: 10/E-11-4458-1/22 od ~~30-09-2022~~ godine

#### **DOSTAVITI:**

1. „AB PLAN“ d.o.o. Sarajevo, ul. Tešanjaska broj 24a, 71 000 Sarajevo
2. „SMAJIĆ-INŽENJERING“ d.o.o. Goražde, ul. Zaima Imamovića bb, 73 000 Goražde
3. „RADIS“ d.o.o. Istočno Sarajevo, ul. Jovana Dučića broj 16, 71 123 Istočno Sarajevo
4. „FM INŽENJERING“ d.o.o. Sarajevo, ul. Latička broj 14A/2, 71 000 Sarajevo
5. „ENERGOINVEST“ d.d., ul. Hamdije Ćemerlića broj 2, 71 000 Sarajevo
6. Službi za prostorno uređenje i investicije
7. Kabinetu općinskog načelnika – Odsjek za javne nabavke
8. Službi za finansije
9. U spis